



Broj: 03/1-50-14-7-30-7/16

Sarajevo, 26.10.2016.

**PREDMET:** Informacija o radnoj posjeti jedinici Granične policije BiH Aerodrom Tuzla, Tuzla, 21.9.2016.

Sifet Podžić, predsjedavajući, i Hazim Rančić, član Zajedničke komisije za odbranu i sigurnost BiH, Ljiljana Milićević, sekretarka, i Željko Grubešić, stručni savjetnik, bili su u radnoj posjeti 21.9.2016. sjedištu jedinice Granične policije BiH Aerodrom Tuzla u Tuzli te tom prilikom razgovarali s komandrom jedinice GP Savom Vlačićem i njegovim saradnicima.

U sjedištu jedinice GPBiH Aerodrom Tuzla članove Zajedničke komisije o radu Granične policije BiH u njihovoj zoni odgovornosti informirali su komandir Vlačić i njegovi saradnici.

U razgovoru s komandrom jedinice Savom Vlačićem, delegacija Zajedničke komisije za odbranu i sigurnost BiH informirana je da Aerodrom Tuzla u posljednje tri godine snažno razvija i bilježi i do dvadeset puta veći promet putnika. Samo u prošloj godini, rečeno je na sastanku, evidentiran je promet od oko 300.000 putnika na ovom aerodromu.

U vezi s tim, upozoreno je na činjenicu da jedinica Granične policije BiH na Aerodromu Tuzla, usljed nedostatka potrebnog ljudstva, krajnjim naporima izvršava obaveze granične kontrole putnika. Istovremeno, rečeno je da bi što prije trebalo osigurati i adekvatne uslove za rad, što podrazumijeva bolji smještaj, te niz drugih stvari koje treba da prate povećanje putničkog i kargo saobraćaja na ovom aerodromu.

Saradnja pripadnika Granične policije BiH s Upravom za indirektno oporezivanje BiH, kao i sa svim subjektima koji su angažirani na Međunarodnom aerodromu Tuzla ocijenjena je kao vrlo dobra.

Članovi Zajedničke komisije o saznanjima i zapažanjima tokom ove radne posjete informirat će nadležne institucije, s ciljem da se učini sve što je potrebno kako bi ova i druge jedinice Granične policije BiH imale uslove za profesionalno obavljanje poslova i zadataka.

Sastanku na Aerodromu Tuzla prisustvovali su i predstavnici Regionalnog ureda Uprave za indirektno oporezivanje BiH sa sjedištem u Tuzli.

### **Zaključak**

1. Problemi nedostatka i odliva stručnih ljudi te niske plaće sve su izraženiji i takvo stanje je konstatirano i u jedinici GPBiH Aerodrom Tuzla. Udaljenost mjesta službovanja od mjesta stanovanja je veoma izražen problem i u ovoj jedinici i dodatno opterećuje radni angažman pripadnika GPBiH.
2. Problem popune nedostajućim kadrom, posebno graničnim policajcima, mora se rješavati i treba uložiti dodatne napore jer sistematizacija potrebnog ljudstva na Aerodromu Tuzla još uvijek ne prepoznaje činjenicu da su putnički i kargo saobraćaj povećani za preko dvadeset puta samo u zadnje dvije godine.
3. Zabrinjava stanje infrastrukture na ovom međunarodnom graničnom prijelazu jer su njeni pripadnici smješteni u kontejnerima koji nisu uslovni za posao koji obavljaju.
4. Članovi Zajedničke komisije konstatirali su da granični policajci trebaju imati adekvatne uslove za rad i to treba biti jedan od prioriteta u daljnjem jačanju integritetnog upravljanja bh. granicama.
5. Članovi Zajedničke komisije o saznanjima i zapažanjima tokom ove radne posjete informirat će nadležne institucije, s ciljem da se učini sve što je potrebno kako bi ova i druge jedinice Granične policije BiH imale uslove za profesionalno obavljanje poslova i zadataka.

PREDSJEDAVAJUĆI KOMISIJE  
**Sifet Podžić**

Dostavljeno:

- naslovu
- a/a